

Ngā Paearu mō ngā Tohu Reo Māori

2011



'Kia ita!'

Te Taura Whiri i te Reo Māori

MAORI LANGUAGE COMMISSION



He Kōrero Whānui

Ko tā ngā Tohu Reo Māori he whakanui, he whakamihī i te hiranga o te reo Māori me te auroa o te whakapau kaha ki te whakahauora i te reo.

Ka ngā tohu nei, he hui nā Te Taura Whiri i te Reo Māori, ka hāngai atu ki ngā mahi whakahauora i te reo Māori puta i Aotearoa.

E āhei atu ai tētahi kaupapa ki ngā Tohu Reo Māori, me kaupapa e mahia ana i tēnei wā tonu nei. Ā te Tārei, te 5 o Hōngongoi 2011 tuwhera ai ngā urunga, ka kati ā te 5.00 i te ahiahi o te Paraire, te 12 o Hereturikōkā 2011.

Kei raro iho nei ngā tikanga mō te whakauru mai.

Me kawē mai e te ringa tangata ki:

Te Taura Whiri i te Reo Māori
Papa 14, PSIS Building
Te Kokonga o Ballance & Featherston
Te Whanga-nui-a-Tara 6011
Mā: *Ngā Tohu Reo Māori*

Me Pōhi ki:

Te Taura Whiri i te Reo Māori
Pouaka Poutāpeta 411
Te Whanga-nui-a-Tara 6140
Mā: *Ngā Tohu Reo Māori*

Mō te roanga atu o ngā kōrero mō ngā tohu reo Māori haere ki www.koreromaori.co.nz

Ngā Karangatanga Tohu

E whai ake nei ngā karangatanga whānui mō ngā tohu o te 2011 me ētahi paku kōrero mō ngā whakahaere e āhei ana ki te whakauru mai ki tēnā, ki tēnā karangatanga:

1. **Rāngai Tūmataiti**
ngā pakihī me ngā whakahaere ko te mahi moni te whāinga
2. **Hapori**
ngā pakihī me ngā whakahaere kāore e whai ana ki te mahi moni
3. **Kaunihera**
ngā kaunihera ā-rohe me ā rātou whakahaere
4. **Kāwanatanga**
ngā tari me ngā whakahaere kāwanatanga
5. **Te Ao Pāpāho – Auraki**
ngā reo irirangi me ngā whakahaere pouaka whakaata
6. **Te Ao Pāpāho – Māori**
ngā reo irirangi me ngā whakahaere pouaka whakaata
7. **Tānga**
ngā whakahaere whakaputa tānga
8. **Te Hangarau Mōhiohio me te Ataata-rongo**
te hunga Whakahaere Hangarau Mōhiohio me te hunga whakarato Ataata-rongo
9. **Te Ao Mātauranga – Auraki**
ngā kura kōhungahunga, ngā kura tuatahi me ngā kura tuarua
10. **Te Ao Mātauranga – Reo Māori**
ngā Kōhanga Reo, ngā Kura Kaupapa me ngā Kura Tuarua
11. **Kura Tuatoru**
ngā momo kura tuatoru
12. **Te Wiki o te Reo Māori**
(te 4 ki te 10 o Hōngongoi 2011)
ngā momo whakahaere katoa kua whai ki te whakatinana i tētahi mahi whakanui i te Wiki o te Reo Māori

Paearu Whakawā

Paearu Whānui

E hāngai ana ngā paearu e 6 nei ki ngā kaupapa katoa:

1. Te Ū ki te Kaupapa, te Whakapau Kaha

- He pēhea te whakaatu a te whakahaere, a te kaupapa rānei i te ū me te whakapau kaha ki te whakahauroa i te reo Māori?

2. Te Whai Hua

- He aha ngā tohu kua pai ake ngā wheako, ngā waiaro ki te reo Māori?

3. Te Kounga

- E arotahi ana te whakahaere, te kaupapa rānei ki te kounga o te reo e mārama ai, e tika ai, e mātau ai te tangata ki taua reo?

4. Nā Wai Ake te Kaupapa

- Nā koutou ake te kaupapa, ka mutu he pēhea nei tōna auaha?

5. Te Whakamihi

- He aha ngā whakamihi mai a ētahi atu ki tō kaupapa?

6. Te Auroa

- He aha te mahere auroa mō tō kaupapa me tō whakahaere?

Paearu Whāiti

Ka hāngai anō ngā paearu whakawā whāiti nei ki ngā karangatanga e whai ake nei:

Ao Pāpāho (Auraki me te Ao Pāpāho reo Māori)

- Te tuku rauemi ataata-rongo mai kāore e roa ake i te 7 mineti.
- Te kounga o te whakahua kupu me ngā kōrero a te kaipāho.

Tānga

- Tētahi tauira o tētahi tānga.
- Te aro ki te kounga o te whakatakoto tika i te kōrero me te taera tuhi.

Ao Hangarau me te Torotoro Waea

- Te tuku rauemi ataata-rongo mai kāore e roa ake i te 7 mineti e whakatauiria ana i tō kaupapa me te āhua o te whakatinana i ngā paearu whānui e 6.

Ao Mātauranga (Auraki me te reo Māori)

- Te whai wāhi atu a ngā whānau me te hāpori whānui

Te Wiki o te Reo Māori

- Te hāngaitanga ki te kaupapa matua mō 2011, arā, te *'Manaakitanga'*
- Ngā karere matua o te kaupapa, te āhua o te whakamōhio atu i ēnei ki ētahi atu me ō rātou whakaaro ki ngā karere matua nei.
- Ngā painga ki ngā whānau, ngā hapū, te iwi, te hāpori rānei me te āhua o tā rātou whai wāhi atu.

Ngā Tikanga Whakauru

Āta pānuihia ngā here me ngā tikanga nei.

Ngā urunga

- Me mātua eke ngā urunga ki ngā tikanga **whānui** me ngā tikanga **whāiti**.
- Me mātua rau atu ki tēnā, ki tēnā urunga ētahi kape e 4 o ngā tāpiritanga katoa.
- Kotahi anō te urunga mō ia kaupapa ka whakaaetia.
- Mō ngā urunga ka taka mai ki raro i te karangatanga Pāpāho me te Tānga, tāpirihia mai he kape o ngā momo pāhotanga katoa, ngā tānga katoa me ētahi atu hanga e hāngai ana ki te whakatairanga i te reo, ki te taha ki tō urunga.
- Ki te hē te karangatanga o te urunga, ka nekehia ki te karangatanga e tika ana, e hāngai ana.
- Me tae mai ngā urunga katoa i mua i te **5.00 i te ahiahi o te Paraire, te 12 o Hereturikōkā, 2011**.
- Ka noho nā Te Taura Whiri i te Reo Māori ngā hanga katoa ka tukua mai e koe, kāore e whakahokia atu ki a koe.

Hanga Tautoko

- Me mātua tuku mai ētahi kape e 4 o ngā rauemi tautoko katoa (tae atu ki ngā hanga ataata-rongo), ka mutu me mātua motuhake te takai mai, me mātua noho wehe i te urunga.
- Me mātua tohu mai ngā rauemi ataata-rongo, ka mutu kia kaua e roa ake i te 7 mineti te roa.
- Raua mai ētahi whakaahua karakara o tō kaupapa mēnā ka taea, hei whakaahua whakatairanga.
- Ka taea hoki te rau mai ētahi atu kōrero e hāngai ana.

Whakatairanga

- Ka taea e ngā kaiwhakahaere o Ngā Tohu Reo Māori te whakamahi ngā hanga katoa ka tukua mai hei whakatairanga i ngā tohu nei.
- Ka taea te whakamahi ngā hanga katoa ka tukua mai hei whakatairanga i ngā tohu kei te tū mai, hei kōrerotanga rānei.

Whiringa Toa

- Ka pānuihia te hunga ka eke ki ngā whiringa toa i ngā karangatanga katoa ā te Mahuru 2011.
- He whakahau tēnei kia tae ake te hunga ka eke ki ngā whiringa toa ki *Ngā Tohu Reo Māori* ā te Paraire te 18 o Whiringa-a-rangi 2011 i te Energy Events Centre i Rotorua.
- Mā te hunga nei tonu e utu tā rātou haere atu me tā rātou noho atu.

Whakawā

- Ka whakatairitea e ngā kaiwhakawā ngā rauemi ka tukua mai me ngā paearu kua whakarārangitia i konei.
- Kei ngā kaiwhakawā te kōrero whakamutunga, kāore e taea tā rātou i whakatau ai te tohe.